

ASTE SANTUKO OPORRAK

Penintsulatik kanpora hernaniar gutxiago atera da aurten eta Landak edo Benidorm aldera joan dira asko

■ Bidai agentzien arabera urrutirako bidaiak jeitsi egin dira eta jendea penintsulan gelditu da gehien ■ Geroz eta gehiago Pazko Astea ere jai hartzen du jendeak oporrak luzatzeko ■ Hernanira, Katalanak datoz gehien.

GERRAK eta horren bueltan sortzen den bildurrak denean du eragina eta baita jendearen opor bidaietan ere, agentzien arabera. Aurten, nabarmen behera egin dute atzerrirako bidaiak, abioia hartzeko beldurrez, eta jendea alderaxeago gelditu da: Landak, Benidorm, Salou eta abar. Kanariar uharteak eta Balearak dira espezioa eta aurten ere jende askok aukeratu ditu oporretarako. Kontuak kontu jendea ez da etxean gelditu zalea eta batera edo bestera gehienak ateratzen dira bost egun hauetan.

Joera honek eraginda oso oferta onak ere atera dira aurten nazioarteko bidaietan, bidai agentziek diotenez: Egiptora, Pragara, Caribera... baina, jendea beste urteetan baina gutxiago animatu da bidai luzeetara eta gehienak kotxez atera dira, eta Salou aldera-eta autobusean. Betiko bidaiak gain bada Kantabriara edo Galiziarra animatu denik ere eta barrualdera edo Pirineo aldera ere inguratu da Hernaniko jendea, baina, gutxiago.

Eguzki bila

Aste Santuko oporrak Udako oporren sarrera izaten dira eta jendeak eguzki bila atera nahi izaten du gehien. Itsas ertzera eta hondartzara joan dira hernaniar gehienak, nahiz eta mendi aldera edo kultur bidaietara ere jendea animatu. Alojamentuari dagokionez hotelera nahi izaten du gehienak, dena egina izan dezala alegia, eta gazteagoak dira apartamentuetara-eta joaten direnak.



Herriko bidai agentziak lanez gainezka izaten dira Aste Santuan.

Gure inguruari dagokionez, nekazalturismoek egin dute gora azken urteetan nabarmen, eta berehalaxe betetzen da dena Aste Santu garaian.

Pazko Astea jai

Aste Santuari motzetxo irizita edo, geroz eta jende gehiagok Pazko Astea ere jai hartzen du, herriko bidai agentziek Kronikari esan diotenez. Horrek bere alde badu bidaiatzeko orduan: Pazko Astean prezioek behera egiten dute nabarmen (kasu askotan prezioak erdira jeisten dira) eta jende pilaketak ere ez dira hainbestekoak. Bost eguneko oporrak beharrez, hamar hamabost eguneko oporrak geroz eta normalagoak dira, beraz, gure artean.

Honunza, Katalanak

Hernanitik kanpora jende asko ateratzen da, baina, asko dira Aste Santuan Hernanira etortzen direnak ere. Katalanak dira, dudarik gabe, Euskal Herrira gehiena etortzen direnak eta Aste Santuetan beteta daude Hernaniko alojamentuak. Bartzelona, Girona, Lleida edo Madrid aldeko jendea dabil gehiena Hernanin oporretan, eta horretan eragin handia du Donostia ondoan izateak.

Gehienak kostarako plana egiten dute: lehenengo Donostia ikusten dute, gero Zarautz, Getari, Hondarribi, Hendaia... eta denborarik gelditzen bazaie egiten dute barrualdera, Loiolako Basilika dela, Segurako prozesioak direla eta abar. Hemengo

gastronomia, pintxoak, poteoa eta kaleko giroa gustatzen zaio asko kanpotik datorren jendeari.

Gehienak bueltatu

Hernaniko alojamentuetatik Kronikari esan diotenez, behin etortzen direnak bueltatu egiten dira normalean. Hernani Donostiatik gertu dago eta bastante merkeagoa eta lasaiagoa da; probatu duenak bueltatu egin nahi izaten du.

Aste Santua, abuztua eta sagardotegi bolada dira Hernaniko alojamentuetara kanpoko jende gehiena etortzen den garaiak. Bolada honetan aukera haundiagoa balego ere, bete egingo liriteke denak, baina, urte guztia ez omen da gero berdina izaten. □



Kristau fededunak gurutze ondolan otoitzean, Santa Barbaran.

OSTIRAL SANTUA

Prozesioa eta Pasio Ospakizuna gaur

OSTIRAL Santuko ospakizun erligiosoek egun osoa beteko dute gaur Hernanin. Goizeko 08:30-etan Santa Barbarako Gurutz-bidea egingo dute fededunek, Jesuskristok gurutzera bidean egingako 14 geldialdietan barrena otoitz eginez. Gurutzbidea jende asko biltzen duen ekitaldia da Hernanin.

Gurutzbidearen ondoren, meza izango da Juan Bataiatzailea eta Jose Langilearen parrokitan. Goizeko 10:00etan da Jose Langilean, eta 11:30etan Juan Bataiatzailean.

Arratsaldean, Pasio Ospakizuneko mezak izango dira herriko hiru parrokitan: 17:00etan, Ereñotzuko San Antonio parrokitan, 18:30etan Juan Bataiatzailean, eta 19:00etan Floridako Jose Langilea parrokitan.

Bihar Pazko bijilia eta aitortzak Bihar, Larunbat Santu eguna, aitortzak izango dira aurrena Juan Bataiatzailean 18:00etatik 19:00-etara, eta mezak gero hiru parrokitan: 19:00etan San Antonion, eta 20:30etan Jose Langilean eta Juan Bataiatzailean.

Etzi, berriz, Pazko Igandea da eta Meza Nagusiak izango dira goizean hiru parrokitan Jesusen piztuera ospatzeko. □

Bihar, larunbata, ez da Kronikarik izango

 **Antziola-Motor**
Salmenta eta tailer zerbitzua

ford Tourneo Connect

Gogortasunaren forma berria

Antziola auzoa 12 - Hernani - Tel.: 943 55 57 72
Ordutegia: astean zehar 9-13 eta 16-20 - Larunbatean 10-13

AMAIA

ARRAZKATZETZAK
ITSASBIZIAK
FRESKO ETA IZOZTUAK

Kardaberaz 34
Tel.: 943 55 07 52
943 55 22 11
20120 Hernani

GALARRETA JAI-ALAI

Ostegun, larunbat eta igandetan jaialdiak

IGANDEAN 16:00ETATIK AURRERA
ERREMONTE JAIALDIA:

1. partidua: Odriozola-Agirrezabala / Matxin IV-Jon
2. partidua: Agirresarobe-ALekunberri/ Bereziartua-Aizpuru
3. partidua: Sarasua-Txikuri / Bitoria-Mendizabal
4. partidua: Matxin III-Gaztelu/Larrea-Lander



Sauna berrirako sarrera eskubian eta dutxa berriak ezkerrean.

Sauna maiatzaren hasierarako berrituta egotea espero dute kiroldegian

■ Sauna, dutxak, deskantsurako gela eta aldagelak egongo dira ■ Lanak nahiko arrotatuak daude eta laister saunak ibiltzeko moduan izatea espero dute kiroldegian.

KIROLDEGIAN sauna berri-zen ari dira, eta maiatzaren hasierarako bukatzea espero dute kiroldegiko arduradunek. Iazko irailaren 22an su hartu zuen kiroldegiak eta sauna, frontoirako pasilua eta instalazio elektriko nagusia hondatu egin ziren. Horren ondorioz, goitik behera aldatu behar izan dituzte gizonen eta emakumezkoen saunak eta baita, dutxak, relajazio gelak eta aldagelak ere. Zorua, partak eta sapai puskarik gehiena egin dute dagoeneko eta insta-

lazioak bukatzea eta azken ikuituak ematea falta da.

Berdin ordenatuta

Saunak, aldagelak, komunak eta relajazio gelak lehen bezala ordenatuta daude orain ere. Hori ez da aldatu. Gizonen saunak daude eskubialdean eta emakumezkoenak ezkerrean. Saunak lehen baino modernoagoak dira, kristalezko ate eta guzti, eta relajazio gelako oheak egurrezkoak dira orain, lehengo laruzkoak baino garbiagoak.

Alde bakoitzean hiru dutxa eta aldagelak ere egongo dira, lehen bezalaxe.

Ofizinak ere obratan

Kiroldegian ez dira saunakoak egiten ari diren obra bakarrak. Taberna ondoko bulegoetan obrak hastekoak dituzte eta bulego probisionalak jartzen ari dira ondoan. Orain, jendearentzako bulegoetara sarrera tabernaz beste aldetik dago, eta gerora igerilekuko kristaleraren paralelo jartzeko asmoa dute. □



Dantzariak Tilosetan, iazko Dantzari Festan.

Dantzari Festa antolatzen laguntzeko bilera asteazkenean

MAIATZAREN 3tik 10era Dantzari Festa egingo da Hernanin eta antolatzaileek herritarrei laguntza eskatu diete. Laguntza maiatzaren 4an (igandean) behar da batez ere, egun horretan etorriko baitira Hernanira Euskal Herri osoko dantzariak. Egun horretan, antolatzaileek espero dute 300 lagun inguru etortzea Hernanira, eta laguntza eskatu dute aulkia eta mahaiak jartzeko, jana banatzeko eta abar.

Nola lagundu hitz egiteko, Dantzari Festako antolatzaileek bilera deitu dute datorren asteazkenearako (apirilak 23) Biterin, arratsaldeko 19:00etan. Antolatzaileek dantzari festarekin interesatuta dauden guztiak gonbidatu dituzte. □

MAHAI TENISA



Aitor Valverde Murtzian da Espainiako txapelketa jokatzen.

Lau Hernaniar Espainiako txapelketa jokatzen


■ Valverde, Mitxelena, Diez eta Irastorza Murtzian dira Aste Santuan.

EGUNOTAN, Espainiako Mahai Tenis Txapelketa jokatzen ari da Murtzian eta lau hernaniar han ari dira jokatzen, jubeniletan. Aitor Mitxelena, Aitor Valverde, Erik Diez eta Zuhaitz Irastorza dira txapelketa jokatuko dute hernaniarrak.

Open Juniorra

Aurreko asteburuan IVgarren Open Juniorra jokatu zen eta Aitor Odriozolak lortu zuen garaipen partziala, eta Zuhaitz Irastortzak hirugarren postua lortu zuen. Bi jokalariek oso denboraldi bikaina egin dute. □

WATERPOLOA



Hernaniarrak irabazi egin zuten ligako azken partidua.

Hernani Gipuzkoako txapeldun

■ Hernani-EHUK 6-7 irabazi zion Tximistarriri Donostian, Ligako azkeneko partidua.

HERNANI EHU Gipuzkoako Ligako txapeldun gelditu da, Tximistarrri talde donostiarri 6-7 irabazita. Hernanik oso partidu zaila jokatu zuen donostiarren kontra. Tximistarrri oso maila onean dago eta ondo sufrituta irabazi zuten hernaniarrak, emaitzak erakusten duen bezalaxe.

Partzialak 0-0, 1-1, 2-3 eta 3-3 Aurreneko zatia husna egin zuten, porteroek lan ona egin

zutelako, baina, jokalariek gehiegi asmatu ez zutelako ere bai. Bigarren zatian, bana egin zuten donostiar eta hernaniarrak. Hirugarrenean, hernaniarrak aurretik jarri ziren eta 2-3. Eta azkeneko, 3-3 bukatu zen. Azkenean, 6-7 hernaniarrak aurretik.

Hernaniarren golak sartu dituztenak: Jose Mari Marroñok 3 gol, Ion Casasek 2, Mikel Etxeberriak 1 eta Juan Lumberrasek gol 1. □

ZERBITZUAK

☎ TELEFONOAK

► Taxiak: 943 550093
 ► Udaltzaingoa: 943 333288
 ► DYA: 943 464622
 ► Autobusak: 943 556662
 ► Anbulatorioa: 943 006666
 ► Jokalari anonimoak: 943 331103

☎ FARMAZIAK

► Eguez: Bilbao-Sagastiberri Urbieta 7
 ☎ 943 552941
 ► Gauez: De Miguel Lasarte. Nagusia 32
 ☎ 943 361556

IRAGARKI MERKEAK

Etxebizitza eta lokaletarako mota guztietako instalazio elektrikoak egiten dira (segurtasuna, energi aurreztea, erosotasuna,...). Deitu: 627 51 97 76

Pertsona bat behar dut etxeko lanak egin eta umeak zaintzeko, 08:00-12:00etara eta 16:00-20:00etara. 609 76 10 85 (20:00etatik aurrera deitu).